

永樂大典卷之八千七百六

十九庚

僧

洪武正韻思登切。沙門也。許慎說文。僧浮屠道人。也从人。曾聲。蘇曾切。顧野王玉篇。悉屠切。師僧也。陸法言廣韻。梵音云。僧伽。熊忠韻會

舉要思澄切。尚次清音。陰時失韻。府尊王史畧云。四人以上名僧。一人亦名僧。善覺要覽。趙謙聲音文字通學。浮屠人也。古無其字。故無其字。但當

轉會而用之。或用生亦通俗。收此又。僧僧髮亂貌。作篆。僧集韻見杜

聲非韻會定正心。推切釋氏徒。宇切。心推心。新鮮僧。書。僧集韻見杜

古文。僧徐鉉隸。僧魏大饗碑。洪真。僧智。僧顏真。僧柳公

總叙

事物紀原。後漢明帝遣蔡愔等往天竺。訪僧法。於彼見摩騰。乃

等出家。此又中國之人為僧之始也。注。新唐書。傳奕上疏曰。淳圖法。漢明始立胡祠。然惟西域桑門自傳其教。西晉已上。不許中國削髮事。胡石符

亂華乃弛厥禁。此疑中國為僧之始。續後漢書西戎天竺國傳。桓帝好神。數祀浮圖老子。百姓稍有奉者。後遂轉盛。至魏世。中國人始祝髮為僧。云朱子語類錄。初西域僧來。東漢時。令鴻臚寺寄居。後以為僧居。因名曰寺。寺是官寺。非釋者取之寺之起自此時。千文傳道釋志。西域之有浮屠尚矣。然自炎漢以前。邈乎無聞。至武帝有事四夷。獲休屠王祭天金人。帝以為大神。列於甘泉宮。及通西域。有傳身毒諸國。皆奉浮屠教。中國未之信也。孝明帝夜夢金人。頂有白光。飛行殿庭。寤而訪之。羣臣傳教。始以佛對。因遣使之天竺。求其道。傳其書及沙門以來。其書大抵以虛無為宗。貴慈悲不殺。以為人死。精神不滅。隨復受形。生時善惡。皆有報應。故所貴脩練精神。以至為佛。善為宏闊。勝大之言。以勸誘愚俗。精於其道者。號曰沙門。於是中國始傳其術。圖其形像。而王公貴人。獨楚王英最先好之。嘗詔聽有罪亡命者。贖罪。英奉繒帨詣國。相相贖愆罪。國相以聞。詔報曰。楚王誦黃老之微言。尚浮圖之仁慈。何嫌何疑。當有悔吝。其還贖。以助伊蒲塞桑門之盛饌。初沙門之與漢使詣洛陽者。白攝摩騰竺法蘭。以白馬負經而至。館于鴻臚寺。因立白馬寺。於洛城雍闢西。摩騰法蘭卒於寺。寺之名始於此。浮圖正號曰佛陀。佛陀與浮圖聲相近。皆西方言。其來轉為二音。華言譯。

之。則為淨覺服其道者。則剃落鬚髮。擇累辭家結師資。遵律度。相與和居。治心脩淨。行乞以自給。謂之沙門。或曰桑門。總謂之僧。亦皆西方言。僧譯為和命衆。桑門為息心比丘。為行乞信道者。男曰優婆塞。女曰優婆塞。優婆或為伊蒲。亦聲相近。所謂佛本號釋迦。是者。譯言能仁。謂德充道備。堪濟萬物云。魏明帝時。有天竺沙門曇柯迦羅。入洛宣譯戒律。乃於洛中構寺。威飾佛國。宣述依天竺舊狀。建為塔。自一級至三五七九。世人相承。謂之浮圖。或謂佛國云。元康中。沙門支恭明譯佛經。維摩法華。後有常山衛道安。復是正之。石趙時。有佛圖澄。姚秦有鳩摩羅什。秦齊梁魏隋之間。若曇曜惠始。法顯寶誌之流。不可勝數。其言語行義。足以驚世駭俗。故自王公大人。下及黎庶。莫不尊信之。甚者。梁武帝舍身佛寺。以麵代宗廟犧牲。魏世宗營石窟三。自景明至正光。役工八十萬二千三百有奇。此其法之盛行也。唐自中宗以來。貴戚爭營寺度僧。富戶強丁。剃髮避役。至代宗時。魚朝恩作章敬寺。度僧尼千人。置百高生。請仁王經以禳寇。內出孟蘭盆。賜章敬寺。設七廟神座。百官迎謁。三歲和尚不空。至卿監爵國公。一時宰相元載。王綰。杜鴻漸。侍上。多談佛事。自是而後。臣民承化。率皆奉佛。僧徒愈衆矣。其間雖屢經廢毀。不旋踵而復焉。宋興太祖初平蜀。詔西面轉運沈

義倫就成都寫金銀字金剛經以進。僧崇雅入便殿講經。下詔禁止灌頂道場水陸齋會。不得夜集士女。就寺開設。置法以限度。僧諸州僧帳及百人者許度一人。太平興國中。始建譯經院。翻傳梵文。御製聖教叙刻石傳法院。真宗兼尚道釋。著崇釋氏。論注釋四十二章道教經鑰。板傳于世。每歲誕聖節。令所在州府。按試道釋經業。男子年十五。女子年十三以上。誦道經四十紙。若誦佛經。男子百紙。女子七十紙。讀佛經。男子五百紙。女子三百紙。皆聽披度。詔京城民鬻酒肉者。並居寺觀百步之外。見在內者。徙之。其沽市與僧道者。論罪。應寺觀。每夕鼓未發。闔扉。大明啓鑰。不得妄托親舊。恣有過從。所司不舉覺者。坐之。天禧五年。天下僧三十九萬七千六百一十五人。尼六萬一千二百三十九人。仁宗時。叅知政事王隨言。景德傳燈錄三十卷。頗煩縻。今刪為十五卷。著之後叙。乞詔傳法院編錄入藏。從之。大觀中。詔改佛為大覺金仙。餘為仙人。大士。僧為德士。尼為德女。童行為德童。此東都事佛之大畧也。然學浮屠者。源遠而流益分。於是有譯經成律。禪宗天台教之別。云譯經者。自東漢永平中。天竺僧持梵經至洛陽。譯成四十二章傳于世。至魏。吳。南北朝。三秦。三涼。迄唐。凡十九代。俱有翻譯。石晉天福中。滄洲僧道圓詣西域。至乾德三年始還。以貝多葉梵

經四十二夾。及佛舍利一水精器獻太祖。道圓在途十二年。住天竺六年。還經于闐。與其使偕至。帝召問所歷山川道里。一一能言。上嘉之。賜紫衣。器幣時。僧行勤。奉百五十餘人。求詣西域訪經。人給錢三萬。遣之。闐實中。有中印度摩伽陀國僧法天。姓刹帝利。徧通三藏。與其兄達哩摩。華人多。西印度僧尼羅。南印度僧沒駄計哩。帝四人同造中國唯法天。與其兄得達。餘皆死於道路。法天至麟州。偶河中梵學僧法進。始出聖無量壽尊勝二經。七佛讚共詳經義。法進執筆。迴經知麟州王龜從。潤色經成。送法進詣闕。召見。賜以紫方袍。遂遊江浙嶺表。已蜀。太宗太平興國五年。又有梵僧天息災。施護持經至上。並賜紫方袍。法天聞之。亦如京師。召見。天息災等。建譯經院。七年六月。成。賜天息災。明教大師。法天。傳教大師。施護。傳法大師。令各譯一經。以進。梵學僧常謹。請詔法進。皆受筆。綴衣。袈裟。楊悅。吳部負外郎。張洎。潤文悅等。請依古譯經儀式。於東堂面西。粉布聖壇。壇開四門。梵僧四各主其一。持秘密呪。七晝夜。以殄魔障。從之。第一譯主正座。宣傳梵本。其左第二證梵義。梵僧與譯主評量義趣。第三證梵文。梵僧聽譯主讀梵本。以證所誤。其右第四梵學僧觀梵夾。著聽譯主宣讀。寫為隸字。第五梵學僧以筆受第六梵學僧刪綴成文。第七證義。僧參詳句。

義第八字學僧刊定華字潤文官設位于南潤色之。七月天息災獻聖佛
母經。法天獻吉祥持世經。施護獻如來莊嚴經。翌日詔集梵學僧百人詳
定左街道錄神曜等迭興諍難。天息災等即持梵本。先譯梵義。證以華文。
眾乃服。詔付藏刻板流行。未幾上幸譯經院。召天息災等賜坐慰勞。給卧
具褥幕繒絲什器等。悉度其眾。因畫出禁中所藏梵文。令視藏經所未載
者譯之。賜院額曰傳法。後天息災等奉所譯經見上。且言歷朝所譯經論
必藉梵僧翻傳。而方域遐阻。或梵僧不至。則譯學廢絕。望令兩街選童子
就院習梵學。詔從其請。得惟淨等五十人。雍熙二年。加三梵僧並朝散大
夫。試鴻臚少卿。詔西天僧有達梵譯可預翻演者。悉館于院。譯僧月給酥
酪錢有差。四年。賜天息災名法賢。加試光祿卿。法天施護並試鴻臚卿。位
兩街首生之上。淳化五年。詔寫所譯經二本。一入大藏。二藏傳法院。至道
三年。並加朝奉大夫。咸平五年。加施護試光祿卿。真宗景德二年。幸傳法
院。大中祥符三年中。天竺僧覺稱獻讚聖頌。上令惟淨譯以聞。俄請還本
國。詔賜金欄袈裟皮裝錢茶藥。初法賢年十二。依本國密林寺達聲明。聖
從兄施護亦出家。法賢語之曰。古聖賢師。皆譯梵從華。而作佛事。通傳教
法。即與施護。及北天竺僧淨護。天竺僧作信吉祥。天東天竺僧作法吉祥。

天廣賢等由天竺詣中國。至于闐。其王迎禮。館于歡喜園寺。淨護及作法
吉祥。天因止焉。法賢等四人。遂行至沙州。其州主燉煌王禮接。尤至憇。踰
嶽寺。作信吉祥。天與廣賢先辭。往五臺。惟法賢施護。留止久之。主固留不
遣。因棄錫杖瓶盂。維持梵文。以至靈。請遊衡山。五臺峨眉。給以兵卒。傳舍
饋食。咸平三年卒。賜諡慧辨法天。兄達哩摩聲。又免少習瑜珈祕密五部
教典法護等。嘗預翻譯。以太平興國八年西還。咸平四年法天卒。諡玄覺。
施護年十五。捨家依帝釋宮寺僧慈賢學。五天真草。及師于闐三佛齊
闍婆文字。天禧二年卒。諡明悟。法護與法賢同國人。依中天竺摩伽陀國
堅固鎧宮寺。解八轉音。年二十五至京師。賜紫方袍。景德三年。詔叅證梵
文。賜號傳梵大師。大中祥符二年。詔同譯經。八年。與惟淨同加朝散大夫。
試鴻臚少卿。後並授譯經三藏。尋加鴻臚卿。惟淨者。吳王季煜從弟之子。
以童子選習梵學。性穎悟。口受梵章。即曉其義。又徧識西域字。歲餘。度為
僧。雍熙三年。寫梵經以獻。令充梵學。端拱二年。因進經。得對賜紫服。命充
筆受。淳化三年。賜光梵師名。嘗與法護同譯經。法進者。學梵書。達梵義。博
究教典。綴文婉約。今翻譯儀範。自其著定也。筆受僧。又有令道致宗證珠
文。二皆曉天竺寺音。達其旨趣。及能書梵字。綴有冥顯希書。啓冲蘭長。

皆達內外學證義有慧超歸省道一冲果善於講演潤文則從臣楊礪朱
昂梁周翰趙安仁是迦揚億後以宰相兼譯經使丁謂王欽若呂夷簡章
得象皆嘗為之戒律者自魏嘉平中始有戒律至唐僧道宣撰戒壇祇戒
心圖額川朱士行始受戒有所撰戒壇經行于世太平興國寺有石壇寺
僧正紹所建每歲童行得度為沙彌者遇誕聖節詣壇受戒壇上設十坐
擇律僧號十闍梨說三百六十戒沙彌三人為一引大中祥符三年賜名
奉先甘露戒壇諸州亦皆置壇度人受戒訖祠部給牒江寧府有僧德明
精律學為臨壇大德十五年江東多得其戒者律藏舊有百餘卷德明刪
為十三卷為人講說真宗召至闕下屢對便殿賜詩獎之任以僧錄固辭
請還詔賜江寧崇聖寺戒壇召承天甘露天禧中知越州高紳言僧尼得
戒還家受父母拜有奈尊卑之教望禁止從之禪宗者心法也梵語禪那
華云思惟亦云靜慮自梁晉通中菩提達磨由西域至為中華初祖以衣
孟相傳至第六祖慧能而止慧能與神秀同叅五祖洪忍後慧能住韶州
曹溪號南宗神秀住江陵當陽山號北宗而南宗特威汎分浸廣迭相承
嗣句偈問答以機緣契勘者為領解各據宗友大指以人有真性為塵境
所蔽而不能悟了達本源明佛心宗即成正覺謂之頓門最上乘應人滯

於習見不立文字教外別行後學續其法習其語言為之圖傳先是禪僧
與律衆標震唐元和中洪州百丈僧懷海始創規範別立禪居凡具道服
有可尊之德者號曰長老處方大室不立佛殿惟樹法堂所聚學衆無高
下悉以次居堂中朝夕長老上堂與其徒問答謂之叅請云天台教者本
西天僧龍樹造中觀論梁僧慧闍連其旨以授南嶽僧思慧思慧授天台
山僧智顗門人灌頂編輝之其法始盛流于海東唐末江右缺其書吳越
錢氏時有僧義寂住天台羅漢道場演其教學徒甚衆錢氏為於日本國
購獲觀教全部有三觀十章五畧十境十乘之說總謂之止觀其脩證有
漸大抵與經論合而實別行云詳見釋字夢梁錄歷代高僧自宋武帝朝
為始僧慧靜慧基慧集法匱淨度瑜本翼本僧銓道琳吳李明徹法開惠
明曇超真官字聖遠號南天竺岳師道欽徑山國一登悟禪師因脩道林
號烏窠禪師會通號招賢禪師齊安號悟空禪師道標號為西嶺和尚慧
琳字抱玉交遊前後刺史學士如杜陵裴常陵則揚憑盧元輔白居易
李幼崔郢路異俱造室講論心要靈照名龍華禪師號真覺大師行脩生
有異相耳垂兩肩稱長耳相禪師賜號崇慧大師延壽號抱一子幼在俗
誦經感諸羊跪聽後捨業為僧衆徒講道傳播高麗遣使盡弟子禮奉金

緣織袈裟衣紫水晶數珠。金澡罐為獻。唐開寶入滅。號智覺大師。崇寧歲。追諡宗照禪師。遂號普覺大師。遇安號善智禪師。慶祥九曲禪師。行明開化禪師。太宗朝賜紫衣師號。錦綉萬花谷梵語云。僧伽唐言衆僧史畧云。凡四人以上名僧。今一人亦稱僧。蓋從衆之名也。亦如萬二千五百人為軍。一人亦稱軍也。律師。法師。禪師。有人問惠海禪師云。律師。法師。禪師。何者最勝。師曰。律師者。啓毗尼之法。嚴傳受命之遺風。秉威儀。行執範。三番羯磨。作四果初因。若非宿德。白冒焉敢造次。法師者。提獅子座。滿懸河辯。啓鑒玄關。開般若妙門。若非龍象。蹴踏安敢當斯。禪師者。攝其樞要。直了心源。出沒卷舒。縱橫應物。頓見如來。拔生死深根。獲見前三昧。三學雖殊。得意忘言。東何異諸方。廣語事文類聚桑門六帖開士同上男曰優婆塞。又曰僧。又曰德士。大藏一覽論禪學之始。後漢明帝時。佛始入中國。當時楚王英最好之。然都不曉其說。直至晉宋間。其教漸盛。然其廣大自勝之說。幻妄寂滅之論。自齊戒變為義學。如遠法師支道林。皆義學。當時大字亦只是將莊老之說來鋪張。如遠法師諸論皆成片。盡是老莊意思。梁會通問達磨入來。武帝不曉其說。只從事於因果。遂云面壁九年。只說人心至善。即此便是不用辛苦修行。達磨一切掃蕩。不立文字。直指

人心又翻了許多窠臼說出禪來又高妙於義學以為可以直指徑悟而其始者禍福報應之說又足以鉗制愚俗以為資足衣食之計也宋子語錄來于語錄僧家尊宿得道便入深山中草衣木食養數十年及其出來是其次第自然光明俊偉世上人所以只得叉手看他口動不帶性氣底人為僧不成做道不了程氏遺書先生曰曾見韓持國說有一僧甚有所得遂招來相見語甚可愛一日謁之其僧出暫憩其室見一老行遂問其徒曰為誰曰乃僧之父今則師孫也因問僧如何待之曰待之甚厚凡晚參時必曰此人老也休來以此遂更不見之父子之分尚已顛倒矣志林浮屠不三宿桑下恐生惡愛墮旣僧徒之集則曰海會雲堂有說乎予應之曰叢林盡取諸海畢集乃類乎雲然則一闕之市何謂九子不歸來如瓦合去如瓦解翻譯名義大論秦言衆多比丘一處和合是名僧伽譬如大樹叢林是名為林淨名疏云律名四人已上皆名衆律鈔曰此云和合衆和合有二義一理和謂同證擇戒故二事和別有六義戒和同脩見和同解身和同住利和同均口和無諍意和同悅什師云欲令衆和要由六法一以慈心起身業二以慈心起口業三以慈心起意業四若得食時戒鉢中飯供養上座一人下座一人五持戒清淨六漏盡智慧聲曰非真心

無以具六法。非六法。無以和羣衆。如衆不和。非敬順之道也。又僧名良福田者。報息經云。衆僧者。出三界之福田。謂比丘。具有戒體。戒為萬善之根。是故世人。歸信供養。種種福。如沃壤之田。能生嘉苗。故號良福田。又論云。是僧四種。一有羞僧持戒不破。身口清淨。能別好醜。求得道。二無羞僧破戒。身口不淨。無惡不作。三啞羊僧。雖不破戒。根鈍無慧。不別好醜。不知輕重。不知有罪無罪。若有僧事。二人共諍。不能斷決。默然無言。如白羊人殺。不能作聲。四實僧。若學無學。住四果中行。四向道。是名實僧。唐太宗嘗問玄奘三藏。欲樹功德。何最饒益。法師對曰。衆生寢惑。非慧莫啓。慧芽抽植。法為其資。弘法由人。即度僧為最。又云。沙門或云。桑門。或名沙迦。遮曇。訖訖。訖訖。正言室摩。那摩。或舍羅摩。摩。此言功勞。言脩道有多勞也。什師云。佛法及外道。凡出家者。皆名沙門。摩云。出家之都名也。泰言義訓。勤行。勤行取涅槃。阿含經云。捨離恩愛。出家修道。攝御諸根。不染外欲。慈心一切。無所傷害。遇樂不忻。逢苦不戚。能忍如地。故號沙門。後漢書。郊祀志云。沙門漢言息心。削髮去家。絕情洗欲。而歸於無為也。瑞應云。息心達本源。故號為沙門。或云。具名沙門。那。此云之道。以為良福田。故能斷衆生。饑乏。以脩八正道。故能斷一切邪道。故迦葉品云。沙門那者。即八正道。沙門果者。從道。

畢竟永斷一切貪嗔癡等世言沙門名之。那者。名道。如是道者。斷一切之。斷一切道。以是義。故名八正道。為沙門。那。從是道中。獲得果。故名沙門。果。或以沙門。翻勤息。垂裕記云。謂勤行衆善。正息諸惡。息界內惡者。藏通沙門次第。息界內外惡者。別教沙門一心。徧息內外諸惡者。圓融沙門。瑜珈論云。有四沙門。一勝道沙門。即佛等。二說道沙門。謂說正法者。三活道沙門。謂脩諸善品者。四行道沙門。謂諸邪行者。又云。必勸古師云。舍五義一體性。柔轉喻出家人。能折伏身語。麁獷故。二引蔓旁布。喻出家人傳法度人。連延不絕。故三譬香遠聞。喻出家人戒德芬馥。為衆所聞。四能療疼痛。喻出家人能斷煩惱。毒害。故五不背日光。喻出家人常向佛日。故智論云。出家多脩智慧。智慧是解脫。因緣俗人多脩福德。福德是樂。因緣僧祇云。恭養舍利。造塔寺。非我等事。彼國王居士樂福之人。自當供養比丘。事者。所謂結集三藏。勿令佛法速滅。又云和尚。又云闍黎。度僧原由。太子入山。父王思念。乃命家族三人。謂阿鞞跋提。拘利。舅氏二人。謂陳如。迦葉。尋訪。隨侍。動靜。二人著五欲。太子初食麻麥。遽爾退席。三人著苦行。太子後受乳糜。亦復遠去。洎成佛。果念誰堪度。初思二仙。空言已死。復念五人。當性先度。故至婆羅。柰一夏調根。初為陳如。說四諦。得道。次為阿

輦徒提說布施生天福樂同時證果。三為迦葉拘利亦如前說。皆得聖道。是為三翻度五比丘。既先入道。故首列之。三阿若憍陳如。此云已知二顛。輦此云馬勝。三跋提。此云小賢。四十力迦葉。亦名婆敷。五拘利。太子即摩訶男。又宗翻譯主篇云。

僧講

事物紀原僧史略曰。僧講自朱士行魏代講道經始也。詳請僧。

僧律

事物紀原僧史略曰。漢靈帝建寧三年。安世高首出義決律一卷。次有比丘諸禁律。魏世天竺三藏曇摩迦羅到許洛慨魏境。

僧無律範。遂於嘉平中興曇論譯。因分羯磨僧祇戒心圖。此蓋中國戒律之始也。詳律宗僧。

僧官

事物紀原廣明洪集曰。後魏太祖皇始中。以沙門法果為統管攝僧徒。文帝以師賢為僧統。參立語錄曰。後秦姚萇立道碧青。

暮為僧正。扶同侍郎。法欽慧斌掌僧錄。給事同吏。今此僧立正錄之始也。又元魏以沙門僧顯為京師統。隋天下分置十統。呼上統。或曰大統。唐罷統。並兩錄司於京邑。謂之僧錄。宋會要景德二年。御便殿引對諸寺院主首。詢行業優長者。次補左右街僧官。先是道官。上令功德使選定遷補。所。

置或非其人。多致謗議。故帝親閱試焉。大中祥符二年十一月。詔諸州僧道依資轉至僧道正者。每年承天節前具所管僧道及寺觀分析為僧道正。已來年月數數名行有無過犯。聞生以聞。三年閏二月。命知制誥李維直史館路振直集賢院祁暉宿於中書。出經論題考試左右街僧官。而序遷焉。八年七月。詔今後諸州軍監僧道正有闕。委知州通判於見管僧道內從上選擇。若是上名人不任勾當。即以次揀選。有各行經業及無過犯為衆所推堪任勾當者。申轉運司體量請實。今本州軍差補勾當訖奏候及五周年。依先降指揮施行。天聖八年正月。以僧道官闕。詔開封府選試僧具名以聞。五月。開封府言勘會左右街僧正僧錄管幹教門公事其副僧錄講經論首座鑒義並不管幹教門公事。詔今後左右街副僧錄並同管幹教門公事。嘉祐七年二月二十四日。開封府言左右街道錄陳惟幾等狀。竊觀僧官每年遇聖節許令進功德疏。自僧錄至鑒義十人各蒙賜持教祠部度一名。係帳行者。緣道釋二教遭聖辰祇應脩崇。事體相類。唯道門人數最少。乞依僧官體例從之。元豐三年十月九日。詳定官制所言。譯經僧官有授試光祿為臘。卿者今除散階已罷外。其帶卿少官名實有妨礙。欲乞以授試卿者改賜譯經三藏大法師試少卿者改賜譯

經三藏法師。其師號及諸俸之類。並依舊詔試。卿者改賜六字法師試。少卿者四字。並冠譯經三藏餘依舊。崇寧元年五月四日。詔僧道官免試。起越職名。補額外守闕鑒義之類。自今雖奉特旨。衝改舊條等指揮。令省子細契勘。具有礙是何條法聞奏。更不施行。紹興元年六月二十一日。詔前右街額外守闕鑒義寶月大師法訓。係考試教補僧官。昨緣與慈孝寺整會常住地主。勒令還俗。已於宣和元年八月內復寶月大師。依舊為僧。自差充主。普昭慈獻烈皇太后梓宮前道場。並無遺闕。可特與依舊充右街額外守闕鑒義。五年正月十五日。詔左鑒義德信。特補右街副僧錄。主管教門公事。令承替思彥。住持圓覺院。依舊崇奉太上本命香火。三十年七月六日。中書詔皇后功德院住持天竺。時思薦福寺慈授法燈大師子琳。特與補右街鑒義。乾道元年七月二十五日。詔凡以雨陽祈禱觀音。必獲感應。上天竺住持僧若訥。特補右街僧錄。十月六日。詔天竺時思薦福寺係寄皇太上皇后功德寺住僧。右街鑒義子琳。特補右街僧錄。監寺僧利宗。特補右街鑒義。歐陽公集內降補僧官。先朝僧官有關多因權要請謁。內降補人。當時諫官御史。累有論別。先帝深悟其事。因著令僧職有關。命兩街各選一人。較藝而補。至是鑒義有關。中書以下兩街

選一人未上而內臣陳水禮以寶相院僧慶輔為請內降令與鑒義中書執奏以為不可韓曾二公極陳其事臣脩亦奏曰禡一僧官當與不當至為小事何繫利害但中書事已施行而用內降衝改先朝著令則是內臣干撓朝政此事何可啓其漸又奏曰宮女近習自前世常患難於防制今小事若蒙聽許後有大事陛下必以害政不從是初欲姑息而返成怨望若不絕之於漸此一小事陛下不以為意而從之彼必自張於外以謂為上親信朝政可迴在陛下目前似一閹事外邊威勢不小皇上邊可中書所奏令只依條例選試臣脩又奏一百口字事既不行彼必有言萬事只由中書官家豈得自由行一事陛下試思從私請與從公議孰為得奏而韓曾二公亦所陳甚多上皆嘉納也金國志浮圖之教雖貴戚望族多捨男女為僧尼惟釋多而律少在京曰國師帥府曰僧錄僧正列郡曰都綱縣曰維那披剃威儀與南宋等所賜號曰大師曰大德並賜紫國師在京之老尊宿也威儀如王者師國主有時而拜服真紅袈裟并堂間話講經與南朝等僧錄僧正帥府僧職也皆擇其道行高者限三年為任任滿則又別擇人張官庠設人從僧尼有訟者皆理而決遣之並服紫袈裟都綱別郡僧職也亦以三年為任有師範者賜紫無者如常僧服維那縣僧職